

quas ab eo qui contrafecerit, tocies quociens fuerit contrafactum, irremissibiliter exigi et earum medietatem imperialis nostri erarii sive fisci, residuam vero partem injuriam passorum usibus volumus applicari. [*Monogramma*] Signum serenissimi principis et domini domini Karoli quarti Romanorum imperatoris invictissimi et gloriosissimi Boemie regis. Testes hujus rei sunt venerabiles Johannes archiepiscopus Pragensis apostolice sedis legatus, Johannes Olomucensis, Albertus Luthomuschilensis¹⁾, Henricus Warmiensis, Johannes Misnensis ecclesiarum episcopi; illustres Jodocus Johannes et Procopius marchiones Moravie; Lodovicus et Henricus Bregensis²⁾, Przemislaus³⁾ Teschinensis, Bolko Opoliensis⁴⁾, Johannes et Wentzeslaus Opavie, Rupertus et Buntzlaus Lignitzenses⁵⁾ duces; spectabilis Johannes burggravius Magdeburgensis et⁶⁾ comes de Hardek⁷⁾; nobiles Petrus de Wartemberg dictus de Chost⁸⁾ imperialis curie nostre magister, Thimo de Colditz, Borsso de Resemburg⁹⁾ et alii quamplures nostri et imperii sacri principes nobiles et fideles. Presentium sub bulla aurea typario nostre majestatis impressa testimonio litterarum. Datum Prage anno domini millesimo trecentesimo septuagesimo sexto indiccione quartadecima II^o. idus decembris regnorum nostrorum anno tricesimoprimo imperii vero vicesimosecundo. Et¹⁰⁾ ego Nicolaus de Resemburg prepositus Camericensis Magdeburgensis diocesis Cesaris prothonotarius vice et nomine reverendissimi in Christo patris et domini domini Lodowici archiepiscopi Moguntinensis sacri Romani imperii per Germaniam archicancellarii recognovi.

In verso: R. Wilhelmus Kortelangen.

-
- 1) Luthomislensis. 2) Brigensis. 3) Przemislaus. 4) Opoliensis.
 5) Lignicensis. 6) fehlt. 7) in Hardecke. 8) Chosta.
 9) Risemburg. 10) Von 'Et ego' ab eigenhändig von Nicolaus geschrieben.
-